

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

expecta illum, veniens veniet non tardabit,
Hab. 2. v. 3. Interim cum Maria ad montana consendamus, oblivious quæ retrò sunt, & cœlestia appetentes. Hi facile obtinent petitiones cordis sui, Ps. 37. v. 4.

3. *Modus*, quomodo iter suum perfec-
rit, nimirum μήτρα σπεύσθη, cum festinatio-
ne. Solent alias mulieres initio conceptionis
plurimas sentire molestias, sed Maria eo
tempore magnâ alacritate consendit mon-
tana, quia sine peccato conceperat, & por-
tabat tale onus, à quo ipsa portabatur. Fe-
stinare eam faciebat Spiritus Sanctus, cuius
ipsa erat templum. Spiritus Sancti autem
gratia nescit tarda molimina, sed agit quos
inhabitat, ut pietatis opera ferventer exe-
quantur, Rom. 8. v. 14.

De virginibus Israelicis conqueritur
Deus Esa. 3. v. 16. quod pedibus suis compo-
sito gradu incederent. Nulla hīc pompa,
nulla Φαντασία, Act. 25. v. 23. pro comi-
tibus haber angelos, pro ornatu charitatem,
humilitatem, verecundiam ac industriam.
Sequantur nostræ virgines hoc potius ex-
emplum Mariæ, quam Dinæ, Genet. 34.
v. 1. seqq.

4. *Scopus*, qui duplex

1. *Salutatio*. Nam cognatam Elisabet-
ham salutasse dicitur, quod & nos imi-
tari decet, juxta Matth. 10. v. 12.

2. *Ministratio*. Inde sub finem Evan-
geliū dicitur, quod manserit cum Elisabetha
cognata sua circiter tribus mensibus. Sine
dubio hoc tempore grata ipsi præstit servit
ia in rebus œconomicis, quia Zacharias
mutus erat, & ipsa provectionis ætatis ne-
gotia domestica pro dignitate administrare
non poterat. Postea verò, cum adveniret
tempus partus Elisabethæ, & magna homi-
num multitudo ad ejus ædes confluxura es-

set, ex virginali pudore iterum reversa est in
domum suam. Unde non solum humilitas
Mariæ eluefit, sed summa etiam officio-
ritas, quam omnes Christiani merito imita-
ri debent, ut per caritatem alter alteri in-
serviat, juxta præceptum Pauli, Gal. 5. v. 13.

5. *Effektus*. Statim enim ad salutationem
Mariæ infans in Elisabetha præ gaudio exultat.
Hæc exultatio non fuit motus natura-
lis sed supernaturalis ab ipso Spir. S. profe-
ctus, ut ostendit oratio Elisabethæ, qua
exultationem illam tanquam effectum salu-
tionis Mariæ allegat.

Colligimus inde, Sp. S. etiam in infantib-
us accendere lucem fidei. Anabaptistæ
& Calviniani idem nolunt credere quod in-
fantes fidem habeant, quia verum rationis
usum non habent. Sed qualis usus rationis
in Johanne B. in utero matris adhuc delite-
scente, qui præsentiam Salvatoris sui agno-
scit, & præ gaudio exultat? proinde ratio
non obstat, quod minus infantes credere pos-
sint. Imò quia ratione nondum uti pos-
sunt, idem Spiritus Sanctus fidem in ipsis fa-
cilius accendere potest, quæ est rerum non
apparentium, Ebr. 11. v. 1. & rationem non
attendit, sed captivari jubet sub obsequi-
um Christi, 2. Cor. 10. v. 1. siquidem ex ore
infantium & lactentium Deus sibi laudem
perficit, Psalm. 8. v. 3.

De Secundo.

A *Micabilis Colloquii*, tres sunt partes:
I. *Colloquentium autoritas*, nimirum
conveniunt hīc duæ eximiæ & præstantissi-
mæ feminæ, Maria & Elisabetha, quarum
illa filium Dei, hæc præcursum ejus Jo-
hannem Baptistam in utero gestabat, contra
naturæ ordinem, siquidem illa virgo adhuc
erat illibata, hæc verò sterilis & effeta nihil
hæc-

haec tenus Zachariæ pepererat, sed coram mundo lampas etat contempta, Job.12.v.5.

Eodem modo Ecclesia est grec electus coram Deo, sed grec despctus coram mundo. Interim satius est à mundo despici, quam à Deo rejici. Quod si enim peccaverit vir in virum, judicabunt Dii, sed in Dominum si vir peccaverit, quis orabit pro eo? inquit Eli, 1.Sam.2.v.25.

II. *Dilectoris sublimitas*, qui est Spiritus S. cuius instinctu hæ personæ convenient, & loquuntur, quicquid loquuntur, v.14.47.

Apparet hinc quod mulieres etiam sint cohæredes gratiæ vitæ 1.Petr.3.v.7. & templo Spiritus Sancti, 1.Cor.3.v.16. Ergo quisquis es, sive mas sive fœmina, Deum time, & in domo Zachariæ, id est, Ecclesia libenter te siste, & Deum habebis tibi propitium, non enim est apud eum respectus personarum, Act.10.v.34.

III. *Materie gravitas*, quæ duplex:

I. Encomium. II. Testimonium.

Encomium quod attinet, Mariæ illud tribuit, & prædicat illam

I. Benedictam, quia præ omnibus mulieribus hæc dignitas sibi obtigit, quod mater Mellæ facta est, & benedictum illud semper Patriarchis promissum concepit & perficit.

2. Beatam, quia creditit verbis angeli. Unde satis evidenter elucescit, quod Maria licet præ omnibus mulieribus sit honorata, non tamen aliter nisi per fidem salvata sit. Nec enim præter Christum aliud nomen datum est hominibus, in quo oporteat nos salvos fieri, Act.4.v.12.

Testimonium ad Christum spectat, quo stabilitur.

1. Vera ipsius humanitas. Vocatur enim fructus ventris Mariæ, ex Ps.132.v.11.

2. Vera ipsius divinitas, quia mater ipsius vocatur mater Domini ex Ier.23.v.5.

3. Persona unitas, quia fructum ventris Maria Elisabetha vocat Dominum suum, Ergo non est alius Dei, alius Mariæ filius, sed idem qui est Mariæ filius in unitate personæ, est etiam Dei filius. Desumptum hoc est ex Jerem.31.v.22.

4. Fidei dignitas, quod illa sit unicum consequende salutis medium, quo beneficia per Christum parata apprehendimus, quia Maria per fidem beata prædicatur. Desumptum hoc ex Gen.15.vers.6. Unde concludit Apostolus Gal.3.v.9. qui ergo sunt ex fide, benedicuntur cum fidei Abrahamo.

5. Fidei proprietas, quod sit manus Christum Salvatorem sibi in individuo applicans, ut fecit Elisabetha dicendo Christum suum Dominum.

En hæc & alia fidei mysteria ventilantur in Synodo, quam Spiritus Sanctus sub Exordio N.T. coagit. Nostrum erit ex verbo Dei colloquia instituere, & diligenter cavere, ne sermo corruptus ex ore nostro egrediatur, si Spiritus Sancti assistentiam conservare velimus, quia ejusmodi verbis otiosis & scurrilibus tristitia afficitur, imò planè exturbatur, Eph.4.v.29.30.

De Tertio.

CAntici Mariæ impulsivæ sunt
I. Animæ gratitudo. Quia enim per Elisabethæ Concionem in fide sua plurimum confirmata erat, incalcevit anima, exultat Spiritus, imò omnia viscera quasi ebulliunt præ gaudio, ut se non possit contineere, sed dulcissimo cantico magnalia Dei prædicat, adeoque gratitudinem suam declarat.

1. Externæ, dum os aperit, vocem attollit,

Ccc. 2

lin-